

Ti Reklamasyon nan Massachusetts: Sa Ou Bezwen Konnen

1. Kijan pou mwen fè aksyon pou yon ti reklamasyon?

Lè ou ranpli yon fòm tribinal ki rele "Deklarasyon Reklamasyon ak Avi pou Pwosè", ak lè yon ou peye yon frè anrejistreman. Fòm nan disponib nan biwo grefye nenpòt distri, tribinal minisipal Boston, oswa tribinal lojman. Ou kapab jwenn eksplikasyon sou fason pou ranpli yon fòm "Deklarasyon Ti Reklamasyon ak Avi pou Pwosè" pa dèyè fòm nan menm. Pou jwenn yon lis adrès tribinal sa yo selon konte, ale sou Entènèt nan sitwèb <http://www.mass.gov/courts/courtsandjudges/courts/courtscounty.html>. Moun oswa biznis ki fè reklamasyon an rele "pleyan." Moun oswa biznis ou rele lajistis la rele "akize" a.

2. Ki kote pou mwen fè yon ti reklamasyon?

Ou ka fè yon ti reklamasyon sèlman nan tribinal pou zòn kote pleyan an oswa akize a ap viv, oswa kote li gen biznis oswa kote l ap travay. Ou ka fè yon ti reklamasyon kont yon mèt kay ki fèt nan lokasyon yon apatman tou kote apatman an ye a. Ou ka remake li pi fasil pou egzekite yon desizyon anfavè ou si ou fè ti reklamasyon ou kote akize a ap viv la, oswa kote l ap travay, men ou pa gen obligasyon pou fè sa.

3. Ki reklamasyon mwen kapab fè sou fòm ti reklamasyon?

Sof si plent ou baze sou domaj nan pwopriyete ki fèt nan yon aksidan machin, li pa kapab depase \$7,000.00. Men, reklamasyon an ka depannde domaj-entèrè obligatwa oswa frè avoka ki depase \$7,000.00 (pa egzans, plent pou pwoteksyon konsomatè oswa sèten plent kont mèt kay/lokatè). Nan plent sa yo, kantite lajan debaz la pa ka depase \$7,000.00 menmsi domaj-entèrè posib la ka depase kantite lajan sa a.

4. Èske gen yon limit sou lè mwen dwe fè ti reklamasyon mwen?

Wi. Limit tan an (ki rele "règleman limit") pa menm avèk kalite reklamasyon an, epitou li aplike alafwa pou ti reklamasyon yo ak pou pwosè sivil regilye yo. Anjeneral, yon reklamasyon ki baze sou yon kontra oswa yon lwa pou pwoteksyon konsomatè dwe fèt anvan 6 ane, epi yon reklamasyon akòz neglijanans oswa

move zak entansyonèl dwe fèt anvan 3 ane, men gen kèk eksepsyon. Al gade chapit 260 Lwa Jeneral Massachusetts, oswa yon bibliyotèk piblik oswa legal pou jwenn plis enfòmasyon.

5. Èske m ap kapab jwenn lajan nan men akize a?

Si ou genyen, akize a ap resevwa lòd pou peye jijman an si li gen lajan pou fè sa. Si akize kapab peye, epi si li pa fè sa, yo ka konsidere li manke tribinal la dega, epi yo ka mete li nan prizon, oswa yo ka fè li peye lòt frè. Sonje kèk sous revni ak yon pòsyon nan nenpòt salè ap egzonere nan yon lòd pou peman.

6. Ki frè pou mwen peye pou fè yon ti reklamasyon?

Frè pou peye pou ti reklamasyon ki \$500 ak mwens pase sa se \$40. Frè pou peye pou reklamasyon ki ant \$501 a \$2000 se \$50. Frè pou peye pou reklamasyon ki ant \$2001 ak \$5000 se \$100. Frè pou peye pou reklamasyon ki ant \$5001 ak \$7000 se \$150. Frè pou peye pou reklamasyon domaj nan pwopriyete ki plis pase \$7000 nan yon aksidan machin se \$150.

7. Ki enfòmasyon mwen dwe mete nan reklamasyon mwen?

Ranpli fòm "Deklarasyon Ti Reklamasyon". Mete kantite lajan ou reklame pou lajistis fè ou jwenn nan, epitou bay yon ti eksplikasyon sou reklamasyon ou. Endike reklamasyon an yon fason ki senp, men tou yon fason ki akèl pou akize a kapab konprann pou kisa ou rele li nan lajistis. Ou dwe endike nenpòt kantite lajan espesifik w ap chèche jwenn pou domaj-entèrè, pou plizyè domaj oswa pou sanksyon dapre lalwa, pou frè avoka, oswa pou depans, epitou endike kantite lajan total w ap chèche jwenn, sof nenpòt entèrè anvan jijman w ap chèche nan tribinal la dapre règleman an.

Li enpòtan pou ou gen non ak adrès kòrèk akize a. Si ou rele yon biznis nan lajistis, epi biznis lan se pa yon sosyete, ou ta dwe endike kòm akize pwopriyete (yo) ki fè biznis lan ("d/b/a") anba non komèsyal la. Ou ka jwenn non yo nan men Grefye Vil oswa Ti Vil kote biznis lan ye a. Si ou rele yon biznis nan lajistis, epi biznis lan se yon sosyete, ou dwe gen non egal egzat li.

Ou kapab jwenn enfòmasyon sa yo nan Biwo Divizyon Dosye Sosyete Sekretè Eta a, One Ashburton Place, Sal 1712, Boston, MA 02108 (oswa nan sitwèb <http://corp.sec.state.ma.us/corp/corpsearchinput.asp>).

Nan pòsyon "DEKLARASYON MILITÈ SOU SÈMAN", ou dwe endike si akize a se yon militè ki nan sèvis aktif oswa si li pa yon militè ki nan sèvis aktif. Si ou konnen nimewo sekirite sosyal akize a, ou ka detèmine si li se yon militè ki nan sèvis aktif nan entènèt sou sitwèb <https://www.dmdc.osd.mil/appj/scra/scrAHome.do>; si non, ou dwe voye yon lèt nan katye jeneral fòs lame apwopriye a (ki endike nan www.defenselink.mil/faq/pis/PC09SLDR.html). Si ou pa kapab detèmine si akize a se yon militè ki nan sèvis aktif, epi si akize a pa vini nan tribinal la, tribinal la ka egzije ou pou depoze yon kosyon, oswa li ka ba ou lòt lòd pou pwoteje dwa akize a si akize a se yon militè ki nan sèvis aktif.

8. Ki "frè" pou mwen peye?

Si pleyan an genyen pwosè a, oswa si toulède moun yo rezoud reklamasyon an, pleyan an kapab touche lajan an nan men akize a kòm "frè" pou frè pou fè reklamasyon an nan tribinal la. Sou lòd tribinal la, pleyan an ka pafwa touche sèten lòt frè poutèt li fè reklamasyon an.

9. Kijan yo fè akize a konnen reklamasyon an?

Nou voye yon kopi "Deklarasyon Reklamasyon ak Avi pou Pwosè" ba akize a nan kourye premye klas. Si akize a p ap viv nan eta a, n ap fè li konnen sa nan kourye sètifye. Se tribinal la k ap bay toulède kalite avi yo, apre fòm "Deklarasyon Reklamasyon ak Avi pou Pwosè" fin ranpli.

10. Èske y ap vanse avèk plent mwen an si akize a pa t resevwa avi?

Si Biwo Lapòs pa kapab notifiye ("remèt") akize a kourye a, epi lèt la retounen nan tribinal la, yo pa kapab vanse avèk plent ou. Si lèt la pa retounen, men pita nou vin konnen lapòs pa t janm remèt lèt la ba akize a, oswa nou remake lapòs te pote lèt la nan adrès ki pa kòrèk, tribinal la ka anile nenpòt jijman ou te resevwa. Pou

Ti Reklamasyon nan Massachusetts: Sa Ou Bezwen Konnen

rezon sa a, li trè enpòtan pou ou asire adrès postal ou te bay pou akize a sou fòm "Deklarasyon Reklamasyon ak Avi Pwosè" se yon adrès postal ki kòrèk.

11. Èske avoka nesèsè nan tribinal ti konfli?

Non, men ou ka anboche youn si ou vle. Ou ka anmezi pou jwenn resous pou ede ou nan bibliyotèk piblik lokal, Trial Court Law Libraries (mass.gov/lawlib), oswa MassLegal Help (www.MassLegalHelp.org),

12. Kilè ak ki kote moun ki fè plent lan ak akize a gen pou ale nan tribinal?

Sof si pleyan an ak akize a rezoud plent lan anvan dat pwosè a, toulède moun yo dwe ale vini nan tribinal la nan dat ki pwograme pou pwosè a fèt.

13. Kisa pou mwen fè si mwen pa kapab vini nan tribinal nan jou pwosè a?

Ou ta dwe rele oswa voye yon lèt ba moun ki nan pati opoze a pou mande li pou dakò pou ranvwaye dat ("kontinye") pwosè a. Ta dwe gen ajounman pou rezon ki valab, tankou maladi, yon ijans, oswa si yon temwen pa disponib. Si toulède moun yo dakò, oswa si pati opoze a pa dakò, oswa si ou pa kapab jwenn moun ki nan pati opoze a, ou dwe voye yon lèt ba grefye tribinal la pou mande pou tribinal la ba ou yon ajounman. Pa rete tann nan dènye minit lan. Si lòt moun nan fè yon demann ki rezonab pou yon ajounman, sa ka elimine pwoblèm pou ou si ou dakò avèk demann lan.

14. Kisa pou mwen fè si mwen pa vini nan tribinal nan jou pwosè a?

Si pleyan an pa vini pou pwosè a, epi si akize a vini, tribinal la ap pwononse yon jijman pou akize a. Si ni pleyan an ni akize a pa vini nan tribinal pou pwosè a, tribinal la ap anile reklamasyon an. Si akize a pa vini pou pwosè a, epi si pleyan an vini, tribinal la ap ka pwononse yon jijman-pa kontimas, epi pou egzije akize a pou peye kantite lajan pleyan an reklame a. Majistra a ka mande pleyan an pou bay kèk prèv pou reklamasyon an, menmsi akize a pa la.

15. Kijan mwen ta dwe prepare pou pwosè a?

Li ka bon pou ekri davans enfòmasyon ki sou plent lan nan lòd yo te pase a. Sa ap ede ou òganize panse ou yo pou fè yon prezantasyon istwa a aklè. Nan dat pwosè a, ou dwe vini avèk nenpòt temwen, chèk, bòdwo, papyè, foto, oswa lèt k ap ede ou pwouve plent ou. Si w ap bay dokiman kòm pyès-a-konviksyon nan pwosè a, pote kopi yo pou majistra a ak pou akize a. Si ou bezwen yon temwen pou vini nan tribinal la, men temwen an p ap vini, mande grefye a- biwo majistra a yon asiyasyon pou fè temwen an vini nan tribinal, epi ou dwe fè aranjanman pou fè yon ofisyè lapolis oswa yon cherif adjwen pote asiyasyon an ba temwen an. Ou ka bezwen yon temwen-kle pou pwouve nenpòt zafè ki pa nan eksperyans komen. Lwa ki detèmine ti reklamasyon yo se menm ak lwa pou gwo pwosè yo, men yo itilize pwosedi ki senp. Pleyan an dwe pwouve reklamasyon an se yon reklamasyon lalwa rekonèt, epi li dwe pwouve akize a responsab, oswa majistra a ap pran yon desizyon pou akize a.

16. Kisa k ap pase nan jou pwosè a?

Asire ou rive alè. Si yon medyatè pa rezoud plent ou, gen yon pwosè k ap fèt devan yon jij. Majistra a ap mande pleyan an pou rakonte istwa a dapre li, answit akize a ap rakonte istwa a dapre li. Chak moun ap jwenn yon posiblite pou poze lòt moun nan ak temwen lòt moun nan kesyon. Pou pleyan an genyen pwosè sa, lalwa egzije li pou pwouve reklamasyon li an valab.

17. Kisa pou mwen fè si moun yo vle yon ajounman?

Si toulède moun yo la lè tribinal la rele plent lan, y ap vanse avèk plent lan, sof si gen rezon ki valab pou ajounman pwosè a. Si ou pare pou vanse, epi lòt moun nan vle yon ajounman, asire ou fè majistra a konnen si ou pa dakò.

18. Kisa majistra a ap fè?

Majistra a ap pran yon desizyon. L ap bay oswa voye avi desizyon an (ki rele yon "jijman") ba chak moun.

Office of Court
Management
Massachusetts Trial Court
2 Center Plaza, 5th Floor
Boston, MA 02108
617-742-8575
www.mass.gov/courts



This document was developed under Grant 11-T-162 of the State Justice Institute and does not necessarily represent the official position or policies of the State Justice Institute.

